

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 700 del 25/03/2021

Traduzione in ladino

La mendranzes linguistiches les vegn valorisèdes maormenter de gra al nef bando Mepat

La valorisazion de l'identità de la mendranzes linguistiches, prinzip zis emportant pervedù te l'artìcol 102 del Statut spezièl che l vegn metù en doura tel regolament per la doura di lengac de mendranza te l'aministrazions publiches e ti intervenc de promoziun culturèla di ladins, mochegn e zimbres, l'à fat n vèrech inant tel chèder del recognosciment aministratif: n catalogh agiornà per i contrac sotscric tras l Marcià Eletronich de la Provinzia autonoma de Trent. Con na determina del responsàbol de l'Apac – Servijes contrac e zentrèla compres, defat, i servijes che serf per l'ativitèdes di Istituc culturèi e di Musees che se dèsc jù te l'ambit di lengac de mendranza, i é stac touc ite tel capitolat tecnich enjiontà tel bando de abilitazion a la piataforma provinzièla de e-procurement. La mudazion del capitolat ades perveit n nef metaprodot che apontin l vegn definì “Valorisazion de la identità de la mendranzes linguistiches”, con chel che i operadores e i profescionis che à i requisic pervedui per n servije, i pel portèr dant sia perferida.

L catalogh de chel che se pel comprèr l perveit sacotenc servijes per la biblioteches, musees o per etres lesc leé a la cultura. Col codesc CPV 92500000-6 i enscinué sul Marcià Eletronich provinzièl pel ciarièr prestaziuns desche servijes de comunicazion e realizazion de prodoc digitèi ti lengac de mendranza; atività linguistica computazionèla, regoetes de banches de dac lessicografics; traduzion e elaborazion de tes ti lengac de mendranza, servijes de documentazion coleé a l'ativitèdes istituzionèles di Enc de mendranza, ativitèdes didatiches e vijites con l'espert con contegnui che fèsc referiment a la cultura de mendranza, servijes spezifics de animazion culturèla e linguistica, endrez de inventères e catalogazion de materièl etnografich. I operadores i cogn aer i requisic che passenea co la materies referides a l'encèria e saer l lengaz ladin, opuramenter l mochen o l zimber. Aldò de la sort di servijes da meter en esser vegn spezificà outa per outa l livel, la sort de studies e la esperienzes madurèdes che serf.

Per informaziuns:

http://www.appalti.provincia.tn.it/mercato_elettronico/ME_bandi/

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)